

KIEK NAO UCH ZELF - TON CUSTERS

(a) Es geur uch zelf noe 'ns kós zeen
 (den zoojt geur same mit ós lache)
 Es geur uch zelf noe 'ns kós zeen (mós geur lache óm uch zelf)
 Es geur uch zelf noe 'ns kós zeen
 (wis geur woróm det veur soms lache)
 Let mer op Want waat geur zeet det zeet geur zelf
 //: waat geur zeet det zeet geur zelf ://

'T ganse jaor door sjtelt geur uch es leiding mer get aan
 de leidsters wie 'n duufke en de leiders net es haan
 Geur doot net of geur alles weit en alles ouch nag kènt
 mer gluif ós wiejt geur ech zit det is ouch bie ós bekend
 Soms zit geur get te prutse en geur weit 't ouch neet meer
 en den gaot geur oet geweunte taenge ós mer weer te keer
 Daoróm 'ne sjpegel dae uch noe waerd veurgezat
 want gluif ós aaf en toe den hóbbe veur 't waal gehad. (a)

Leuk doon det is aardig euverdrieve is neet leuk
 mer aaf en toe den ligke veur door uch in 'ne deuk
 Geur doot den serieus mer 't is komisch óm te zeen
 es geur wilt det veur weer sjtil zeen en geur tèlt weer 'ns toet teen
 Nao teen is 't den nag neet sjtil, geur weit neet waat te doon
 den ligke veur van 't lache bienao döbbel inne sjoon
 Hie dus 'ne sjpegel dae uch noe waerd veurgezat
 want gluif ós aaf en toe den hóbbe veur 't waal gehad. (a)